

COMUN: Al vëgn lascé alsavèi che l'ofize dla posta a San Martin sará stlüt dai 17 d'otober al 01 de novëmber 2024 por laurs. Tratan la perioda de stlüta pól gní anuzé l'ofize dla posta a La Val che é davert vigni dedolönesc y jöbia dales 8.20 ales 13.45 y la sabeda dales 8.20 ales 12.45.

SANITÉ: La doturia Grete Mahlknecht é demez dai 14 ai 18 d'otober y vëgn sostituida dal dotur Eduard Agreiter 333 13 80 852.

### PLOANIES SAN MARTIN Y LUNGIARÜ

Don Marco è demez dal lönesc, al vëndres, dai 14 ai 18 d'otober por tò pert a esercizi spirituali.

L'EPL (Ert por i Ladins) inviëia düc al concert sacral por stlütje jö l' Edema dla Fede tla dljia da San Martin en domënia, ai 20 d'otober, dales 16.00, cun i cors de dljia da Corvara, La Ila, La Val y San Martin. Spënorä de buna man!

„Lascede gní i mituns da me!“ – cun chësta esortaziun de Gejú inviëia le consëi de ploania da La Pli en dedolönesc, ai 22 d'otober, dales 17.00 tla Ciasa dles Uniuns a La Pli ala presentaziun dla „Bibia por mituns“, traduziun tl ladin marou dla „Neukirchener Kinderbibel“ de Franz Rigo. Chësta Bibia é ponsada por mituns, por chi che ó descurí deboriada con i mituns le tru dla Bibia y ince por gragn che ó imparé da conësce (indó danú) stories dla Sacra Scritöra. Porchël sarál ince signur Tone Fiung che nes dará consëis y impuls por lí la Bibia cun i mituns y te familia. La serada vëgn abelida da cianties y da na picia rapresentaziun di scolars da La Pli. Düc é bel enviá.

### SAN MARTIN

I tignun incö domënia la Festa di Maridá lubilars. I s'alegrun cun ëi y ti audun döt le bun y che Chël Bel Dî benedësces inant súa uniun.

La Uniun di Seniors San Martin-Antermëia inviëia düc i seniors la sabeda di 19 d'otober da gní a ti ciaré al Volkskundemuseum a Dietenheim y dedò a marëna sö dal Kofler am Kofl sura Falzes. Le cost por museum y marëna é de 15 euro. An pëia ia dales 9.00 dan la Cassa cun i auti privac. Anunziesse cina le dedemesaledema, 16/10, pro Alfred 333 36 54 786.

### LUNGIARÜ

Le consëi di jogn da Lungiarü inviëia düc ala Segra da Lungiarü tl tendun scialdé olach'al vëgn pité aurela cörta por pici y gragn y de buna spëisa.

I seniors y les seniores da Lungiarü é dër bel inviá/des da gní en mercui, ai 16 d'otober, dales 14.00, a chidlé a Al Plan tl “Hotel Waldruh”.

I s'abinun por les 13.30 sön plaza dlungia le Sanví y jun cun auti privac cian da senté adöm tan ch'ara vá.

I oressun ciamó daidé recordé da paiè ite le contribut por la cöra (50 euro por adulec, 10 euro por studënc y 5 euro por mituns dla elementara y mesa-na) che pó gní paiá pro la Raika söl cunt dla cöra IBAN: IT 63 K 08010 58830 000304004931. Bel dilan a chi che á bele paié. Ma sce düc dëida contribuí ales spëises, sunse bugn da fà frunt al gran debit ch'i un dötäurela.



unitepastorala.org

## Plata dles Ploanies San Martin y Lungiarü

ploan siur Klaus Sottsas 344 15 54 055 - klsottsas@rolmail.net  
redaziun: anton.gasser@rolmail.net - 348 27 44 517 / 0474 523 194

### 13.10 - 20.10.24 n. 46

termo por comunicaziuns: jöbia, dales 20.00



## 28ª DOMËNIA IA POR L'ANN B

### Vangele do san Merch 10, 17-30

Te chël tëm্প ti n'él salté un adincuntra a Gejú s'á injenedlè jö y l'á damanè: Bun maester, cí mëssi pa fà por davagné la vita eterna? Gejú ti à respognü: Cíodí me dijeste pa bun? Degügn n' é bugn ater co Dî, èl su. Tö conësces pö i comandamënc: .... Al ti à respognü: Maester, düc chisc comandamënc ài osservé da jonn insö. Dailò ti à Gejú ciaré ados, y deach'al ti orô bun, ti àl dit: Öna na cossa te mančia ciamò: Va y vënn cí che t'as, dà i scioldi ai püri y t'aras n tesur tl cil; spo vè y vime do! Mo chël à ciáfè la ria canch'al à aldì chëscy é jü cun tristëza demez; deach'al à n gran avëi. ....



La jënt á daite na pert spirituala. Inurcaltan tla vita se damana bëgn vignun: Ci sái pa de sigü? Te ci pói pa speré? Ci sunsi pa iö? Ci é pa Chël Bel Dî? Insciö n'él un che vá da Gejú ch'al arata n bun maester competënt. Sües domandes vá tl vers dla vita eterna, dla vita pro ldí do la mort. Sot sot se dejdrëiel do val' deplü co ch'al á ma da s'aspeté sc'al se tëgn ai 10 comandamënc.

Odon le dejier ascognü te chël jonn, l'inviëia Gejú, döt contënt, da ti jí do. Sce chël jonn foss bun da ti jí do, fossel bele sëgn tl "rëgn de Dî". Al ess la poscibilitè da vire bele sëgn na vita daldöt nöia y implida. Al n'adorass plü nia d'ater. So avëi ne ti invaless nia plü tan tröp. Deache te so chirí fossel bele rové al travert.

Mo l'atacamënt al avëi material de chël jonn é plü sterch co al crëta te Chël Bel Dî y te so rëgn. - Al s'un vá demez cun la ria löna. S'ál mo injomé ia la chance de súa vita?

Te Deum

EDEMA - B	SAN MARTIN	LUNGIARÜ
<b>13.10.24</b> <b>28ª DOMËNIA - B</b>	<b>Festa di Maridá Iubilaris y dla Racoiüda</b> <b>9.30 Corona por vocaziuns</b> (siur Klaus) <b>10.00 Gran Mëssa por la comunité</b> de rengraziamënt + Loise Ploner Unterweger + Maria Unterweger, dl ann <b>16.00 Mëssa sö Oies - Edema dla Fede</b>	<b>Festa dla Segra da Lungiarü</b> <b>7.50 Corona</b> <b>8.15 Gran Mëssa por la comunité</b> dl ann + Nando Clara dl ann + Nisio Clara + Simone Mischi, Pecëi
14.10.24 <b>Lönesc</b> <i>Gaudënz, Alan</i>		<b>7.45 Mëssa di scolars</b> por families dl Sanví vis y def. Albina Pezzei, Frëina
15.10.24 <i>Tarejia d'Avila</i> <b>Dedolönesc</b>	<i>degöna mëssa</i>	<b>16.00 Corona tla capela S. Ojöp Fr.</b>
16.10.24 <b>Dedemesaledema</b> <i>Margareta M. A., Hedwig</i>	<b>18.00 Corona d'otober</b>	<b>7.30 Mëssa</b> de rengraziamënt familia Angel Sorà + + Severino y Angela Clara <b>dedô Corona d'otober</b>
17.10.24 <b>Jöbia</b> <i>Ignaze d'Antiochia, Raimund</i>	<b>8.00 Mëssa di scolars</b> ( <i>pater Franz</i> ) + Mariangel Tavella	
18.10.24 <b>Vëndres</b> <i>Lüca vangelist</i>	<b>18.30 Adoraziun chîta</b> <b>19.00 Adoraziun deboriada</b>	
19.10.24 <b>Sabeda</b> <i>Paul dla Crusc, Isach</i>	<b>18.30 Mëssa prefestia</b> + + Cristina (dl ann) y Franz Conrater + Leopold Flöss + Sepl Flöss, d'Arzó	
<b>20.10.24</b> <b>29ª DOMËNIA - B</b>	<b>9.30 Corona</b> <b>10.00 Gran Mëssa por la comunité</b> + Teresa Pedevilla + frater Felix Ploner	<b>Festa dla Racoiüda y di Maridá Iubilaris</b> <b>7.50 Corona</b> <b>8.15 Gran Mëssa por la comunité</b> por familia Gebhard y Loise Moling por familia de Martin Clara + + + Gottfried, Traudl y Romedio + + Giustina y Germano Moling



**EDEMA DLA FEDE**  
**13 - 20 d'otober 2024**

En chëst'edema, dai 13 ai 20 d'otober tignunse l'Edema dla Fede cun le tema

**Les beles espresciuns de nosta fede:  
musiga, leteratöra, ert y natöra**

**Domënia** 13/10 dales 16.00 - sö Oies  
Mëssa de daurida dl' Edema dla Fede

**Lönesc** 14/10 dales 20.00 - S. Martin, Istitut Lad.  
Musiga y fede cun Agnes Irsara

**Mertesc** 15/10 dales 20.00 - Al Plan, salf manif.  
Natöra y fede cun don Rinaldo Ottone

**Jöbia** 17/10 dales 20.00 - La Val, salf manifest.  
Leteratöra y fede cun Carlo Suani

**Vëndres** 18/10 dales 20.00 - La Ila, salf dla Raika  
Ert y fede cun Danila Serafini

**Domënia** 20/10 dales 16.00 - San Martin, te dlijia  
Conzert de conclujiun cun i cors de dlijia  
da San Martin, La Val, Corvara y La Ila

-----  
D'ATRES INFORMAZIUNS

Vagus-Yoga: Tres l'ativaziun dl nerf "Vagus" podunse condüje le corp a n relassamënt complet y davagné plü cosciënza dl corp te indöt 8 incuntades vigni lönesc dai 14 d'otober inant tla palestra a Lungiarü dales 19.30 ales 21.00 en colauraziun cun l'uniun dles Ères da Lungiarü. Info y prenotaziuns n message a 347 58 60 697